



SINDIKALNE PODRUŽNICE OSNOVNIH ŠKOLA SREDNJOBOSANSKOG KANTONA

n/p Sindikalni povjerenik

P R E D M E T : INFORMACIJE, MIŠLJENJA, PRIMJEDBE, PRIJEDLOZI, KONSTATACIJE, STAVOVI, ZAKLJUČCI I ODLUKE SA 14. SJEDNICE UPRAVNOG ODBORA NSSOOIO SBK

Poštovane kolegice i kolege,

Dana 23.12.2023. godine, u Travniku je održana je 14. sjednica Upravnog odbora Nezavisnog samostalnog sindikata osnovnog obrazovanja i odgoja Srednjobosanskog kantona.

Sjednici je prisutvovala većina članova Upravnog odbora (1 član Upravnog odbora je bio opradvano odstupan).

Pored članova Upravnog odbora sjednici su prisustvovali Predsjednik Nadzornog odbora i Predsjednica Sekcije žena.

U okviru predloženog, dopunjenog i usvojenog dnevnog reda, date su određene informacije, iznesena mišljenja, date primjedbe, izneseni prijedlozi, prihvaćene konstatacije, zauzeti stavovi, usvojeni zaključci i donesene odluke:

1. Usvajanje zapisnika sa 13. sjednice Upravnog odbora Nezavisnog samostalnog sindikata osnovnog obrazovanja i odgoja Srednjobosanskog kantona

Zapisnik je sačinila Jasminka Mavrković, imenovani zapisničar Upravnog odbora, te je isti usvojen u predloženom tekstu.

2. Informacija o zastoju u implementaciji Pravilnika o ocjenjivanju, napredovanju i sticanju statusa, učitelja, nastavnika, profesora i stručnih saradnika u osnovnim i srednjim školama u Srednjobosanskom kantonu

Uvodno izlaganje o toku implementacije Pravilnika podnio je Predsjedniku Upravnog odbora.

Nakon diskusija u kojima je učestvovalo većina prisutnih, Upravni odbor je konstatovao i zaključio sljedeće:

- a. Upravni odbor zahvaljuje na korektnosti i razmjevanju Ministarstvu obrazovanja, nauke, mladih, kulture i sporta Srednjobosanskog kantona na korektnom vođenju procesa implementacije Pravilnika.
- b. Upravni odbor se zahvaljuje velikoj većini članova koji su radili u Komisijama na vrlo obimnom i zahtjevnom poslu prilikom implementacije Pravilnika.
- c. Upravni odbor poziva članove Komisije u ime srednjih škola, koje rade po bosanskom NPIP, da uzmu učešće u radu zajedničke Komisije koja je formirama od strane Ministra, sa ciljem da se



proces bodovanja i vefifikacije kandidata za zvanja obavi na jedinstven način, te proces prvede kraju na zadovoljstvo svih učesnika.

Zaustavljanjem ovog procesa na jednostran način nanosi se šteta svim kandidatima u svim osnovnim i srednjim školama koji stekli objektivne uslove za sticanje zvanja.

Nije moralno da se zbog određenih pojedinaca, koji žele „fleksibilnim“ bodovanjem doći do nezasluženog zvanja, spriječiti ostale kandidate koji su to zvanje zaslužili.

- d. Upravni odbor poziva Ministra obrazovanja, nauke, mladih, kulture i sporta Srednjobosanskog kantona da shodno svojim ovaštenjima i nadležnostima ovaj proces okonča, te spriječi dalju nerazumnu oprstukciju pojedinaca u procesu.

3. Informacija o radu komisije za tumačenje Kolektivnog ugovora za osnovne škole

Informaciju su podnijeli Muhamed Pajić i Smajo Gazić u svojstvu članova Komisije, te istakli:

- Kolektivni ugovor je ugovorni pravni akt koji ima zakonsku snagu.
- Jednostrano tumačenje Kolektivnog ugovora nije moguće od bilo koga (Vlada, Ministarstvo, direktori, Sindikat i sl...).
- Tumačenje Kolektivnog ugovora mogu vršiti isključivo ugovorne strane posredstvom zajedničke Komisije i to na osnovu konsenzusa njenih članova.
- Upravni odbor poziva sve svoje članove da temeljno analiziraju odredbe Kolektivnog ugovora i njegovu primjenu, te sve nedoumice i nejasnoće dostave Komisiji na zvanično tumačenje.
- Ukoliko je upit općeg tipa Komisija će dati tumačenje a ukoliko je upit lične problematike, Komisija će dati odgovor na upit.

4. Informacija u vezi osnovice za plaću pozicionirane u Budžetu SBK za 2024. godinu

- Vlada Srednjobosanskog kantona je plnila Budžet za 2024. godinu sa osnovicom za plaće u visini 385,00 KM, te je takav Budžet usvojen na Skupštini Srednjobosanskog kantona.
- Na sastanku Pregovaračkog tima Vlade i Sindikata čini članovi plaću primaju iz Budžeta Srednjobosanskog kantona iznesen je stav Vlade da bi u nekom narednom kvartalnom periodu, u slučaju da se ukaže mogućnost, osnovica za plaću mogla biti najviše 400,00 KM.

5. Informacija u vezi Uredbe Vlade Federacije Bosne i Hercegovine o isplati pomoći radnicima od strene poslodavaca

Informaciju je podnio Predsjednik Upravnog odbora. Nakon diskusija većine prisutnih članova konstatovano je i zaključeno sljedeće:

- Vredba Vlade Federacije BiH nema pravno obavezujući karakter, nego je na nivou preporuke.



- Uredba je fleksibilna u smislu visine isplate (ostavljeno poslodavcu da odredi) i načunu islate (jednokratno ili u ratama, a najkasnije do 30.6.2024.godine).
- Ovakve uredbe su poulističkog karaktera i predstavljaju prebacivanje odgovornosti sa jedne na drugu stranu, te u javnosti stvaraju nepovjerenje, nedoumice, konforntaciju i nezadovoljstvo činjenicom da će Uredba biti provedena selektivno (negdje u potpunosti, negdje djelimično a negdje nikako).
- Sindikati obrazovanja su Vladi Srednjobosanskog kantona uputili zahtjev za realizaciju Uredbe sa mogućnošću dogovora o visini i modalitetu realizacije.
- Upravni odbor smatra da bilo koja visina isplate treba ići kroz platu i time isplaćena sredstva oporezovati, te na taj način održati penzioni i zdravstveni fond.

6. Analiza obilježavanja 5.oktobra-Svjetskog dana nastavnika

Nakon uvodnog izlaganja i diskusija konstatovano je i zaključeno sljedeće:

- Sindikati obrazovanja su prvi počeli obilježavati ovaj Dan u Bosni i Hercegovini sa ciljem afirmacije obrazovanja u društvu i poziva prosvjetnog radnika.
- Tokom vremena, podršku obilježavanju ovog datuma dale su obrazovne institucije u ustanove (ministarstvo, škole...).
- Centralna manifestacija obilježavanja 5. oktobra-Svjetskog dana nastavnika za Srednjobosanski kanton održana je na Internacionalnom univerzitetu Travnik u Travniku uz prigodan kulturno-zabavni program, te prisustvo više od 130 članova i gostiju.
- Sindikat će nastaviti sa obilježavanjem ovog značajnog datuma.

7. Program obilježavanja 8.marta-Međunarodnog dana žena

- Prijedlog predsjednice sekcije žena Aide Medić je prigvaćen u smislu da se u obilježavanje uključi više aktivistica iz svih škola, te da obilježavanje dobije na širini i novoj formi.
- U narednom periodu predsjednica Sekcije žena će uputiti poziv za saradnju i osmišljavanje oaktivnosti obilježavanja 8. marta-Međunarodnog dana žena.

8. Priprema za održavanje 6. sjednice Skupštine NSSOOIO SBK

- Verifikacija završnih računa u nadležnoj finansijskoj agenciji traje do kraja februara 2024.godine, do kada bi trebao biti urađen završni finansijski obračun.
- Sve sindikalne podružnice su dobile upustvo da realizuju obaveza po pitanju izrade završnog računa u podružnicama, te da isti dostave elektronskim putem računovodstvenom servisu.
- Nakon što računovodstveni servis i nadležna agencija obave poslove vezane za završni finansijski račun, održat će se sjednica Nadzornog odbora NSSOOIO SBK.
- Odmah poslije sjednice Nadzornog odbora Predsjenik Upravnog odbora će zakazati sjednicu Skupštine NSSOOIO SBK.



- Dogovoren je okvirni dnevni red za Skupštinu sa konkretnim obavezama.

9. Tekuća pitanja

- a) Informacija u vezi zahtjeva određenih banaka za popunu određenih obrazaca i odluka.
- Predsjednik je informisao članove da su određene banke poslale obrasce za popunu sa zahtjevom da se dostave i određeni dokumenti sa ciljem spriječavanja pranja novca u Bosni i Hercegovini.
 - Ukoliko bude potrebe u podružnicama za ovu vrstu dokumentacije predsjednik će dostaviti izvod iz registra Sindikata dostavljen iz Ministarstva pravde SBK i odluku o ovlaštenom licu za Sindikat i podružnicu ,te će povjernik sa dobivenim i popunjenim obrascima vratiti u nadležnu banku.
 - Upravni odbor je upoznat sa kompenzacijom određenih troškova u vezi Kolektivnog ugovora i Pravilnika o ocjenjivanju, naperdovanju i sticanju statusa učitelja, nastavnika, profesora i stručnih saradnika u osnovnim i srednjim školama Srednjobosanskog kantona.

PREDSJEDNIK
Muhammed Pajić